

勅修河東鹽法志目錄

卷一

鹽池

禁垣

卷二

畦地

種治

渠堰

山澤

灘地

卷三

引目

課額

商人

卷四

支掣

運程

卷五

律例

卷六

鹽法

官職

卷七

官職

卷八

運城

公署

積貯

池廟

祥異

運學

武備

卷九

宦蹟

人物

卷十

疏議

卷十一

藝文

卷十二

藝文

勅修河東鹽法志卷之九

宦蹟

洪範言有猷有爲有守是居官者非徒以素絲鳴節也况鹽務重大必仰體

宸衷恤商愛民因時制宜斯可無忝職守謹將歷任河東有裨鹽務者備著於篇志宦蹟

漢

黃霸淮陽陽夏人少學律令喜爲吏馮翊使領郡錢穀計簿書正以廉稱察補河東均輸長

後爲潁川太守時上垂意於治下恩澤詔書  
吏不奉宣霸選擇良吏分部宣布詔令令民  
咸知上意是時鳳凰神爵數集郡國天子下  
詔稱揚曰潁川太守宣布詔令百姓鄉化孝  
子弟翁賢婦順孫日以衆多田者讓畔道不  
拾遺吏民鄉於教化興於行誼可謂賢人君  
子矣書不云乎股肱良哉其賜爵關內侯

隋

姚暹大業中爲都水監先是客水爲患暹乃濬

永豐舊渠兼築堤堰自安邑楊家庄西至臨  
晉五姓湖以入於河客水有所歸至今名其  
渠曰姚暹渠按隋書仁壽元年改都水臺爲  
監更名使者爲監都水監與少府監長秋監  
國子監將作監爲五監都水監者治河渠之  
官也

唐

姜師度魏州魏人開元中拜營田支度修築使  
進爲河中尹安邑鹽池涸廢師度大發卒洫



引其流置鹽屯公私兼利

司空輿河中虞鄉人大中時盧弘正管鹽鐵表  
爲安邑兩池權鹽使先是法䟽濶吏輕觸禁  
輿爲立約數十條莫不以爲宜以勞遷戶部

郎中

宋

宋搏萊州掖人開寶八年宋準典貢部得第爲

河東轉運使上言大通監冶鐵盈積可備諸

州軍數十年鼓鑄願權罷採以紓民又請科

諸州丁壯爲兵以增戎備在任十一年

陳堯佐閩州閩中人進士及第先爲兩浙轉運副使徙京西轉運使後徙河東路以地寒民貧仰石炭以生奏除其稅又減澤州大廣冶鐵課後徙并州每汾水暴漲民輒憂擾堯佐爲築堤植柳數萬本作柳溪民賴其利後拜同中書門下平章事集賢殿大學士諡文惠

范祥邠州三水人進士及第祥建變鹽法後人不敢易稍加損益人輒不便制置解鹽遷度

支員外郎權轉運副使後提舉陝西緣邊青  
白鹽改制置解鹽使嘉祐中包拯言祥通陝  
西鹽法行之十年歲減權貨務使緡錢數百  
萬其勞可錄官其子孫

包拯廬州合肥人舉進士歷三司戶部判官出  
爲京東轉運使解州鹽法率病民拯往經度  
之請一切通商除天章閣待制人以包拯笑  
比黃河清童稚婦女亦知其名呼曰包待制  
拯性峭直雖甚嫉惡而未嘗不推以忠恕也

與人不苟合不僞辭色悅人平居無私書故  
人親黨皆絕之雖貴衣服器用飲食如布衣  
時嘗曰後世子孫仕宦有犯贓者不得放歸  
本家死不得葬大塋中不從吾志非吾子孫  
也贈禮部尙書諡孝肅

李綽元祐間爲解令兼鹽池事自王峪口築堰  
防池由東而北至苦池灘排條山諸谷之水  
并白沙泛濫之水皆由池以達於渠後人因

名其堰曰李綽堰

陳安石河陽人以蔭鎮廳及第嘉祐中韓絳鎮  
太原議行鹽法與監司多不合加安石集賢  
殿修撰爲河東都轉運使議始定謂其僚曰  
興事當有漸急則擾乃出鹽付民而俾之券  
使隨所得貿易鬻畢而歸券私販爲減進天  
章閣待制至龍圖閣直學士

薛向以祖顏任太廟齋郎權陝西轉運副使制  
置解鹽鹽足支十年而歲調哇夫數千向奏  
省其數又兼提舉買馬監牧沙苑養馬歲得

駒三百而費錢四十萬占田千頃向請斥閒  
田予民收租入以市之乃置場於原渭以美  
鹽之直市馬於是馬一歲至萬匹昭陵復土  
計用錢糧五十萬貫石將移陝西緣邊入鹽  
中於永安縣向陳五不可以爲失信商旅元  
豐元年召同知樞密院向幹局絕人計筭無  
遺策用心至到元祐中諡曰恭敬

金

范承吉天會八年進士任河東北路轉運使承

宋季之弊民賦繁重承吉乃爲經畫立法簡  
便所入增十數萬斛官旣足而民有餘遷河  
東南路轉運使

王蔚香河人登皇統二年進士第蔚性通敏曉  
析吏事尋授都事行左司員外郎遷郎中大  
定二年超授河東北路轉運使諭旨曰汝在  
海陵時行事多不法然朕素知爾才幹欲授  
以內除而憲省有言以是補外如能澡心易  
行必有升推否則勿望再用旣而廉察爲第

一授中都路都轉運使改吏部尙書

元

姚行簡太宗癸巳年命姚行簡等修理鹽池損壞處所丙申年行簡繪鹽池圖獻於上上可之乃立司於池之北滄曰路村仍命行簡專掌鹽賦

奧屯茂元大德時任河東運使建學課士河東運學始於此

阿失鐵木兒元皇慶二年任河東相故廟西墻



卜地奠壇中締正殿周阿重簷翼東西廡前  
敞其閼後營寢室階屺峻整宏達靖深冠大  
門爲樓扁曰寶慶落成之日遷二神於新廟  
葺舊廟以祀成寶公以廟碑請於朝命翰林  
王緯書石

那海德俊元至正時上擢章佩監卿那海德俊  
總河陝鹽使下車日訪民所戚莫先城事請  
於朝於聖惠鎮修築鳳凰城卽今運城也  
護廩實司嵯有惠政鹽丁車戶就現在均派免